



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

94. Inscrutabili divinæ &c. Confirmatio Constitutionum Academiæ  
Theologiæ de Urbe, cum deputatione nonnullorum S. R. E. Cardinalium  
ejusdem Academiæ Protectorum, & quorundam Privilegiorum  
concessione.

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)



Sua Sanctitas  
avia com-  
muratione  
omnium Mo-  
nitoriorum à  
Cardinali Ca-  
merario ex-  
peritorum  
præsertim  
edictum cum  
omnibus in-  
de fecerit &  
secutus an-  
nullat, & re-  
probat.

expressis, ac de verbo ad verbum insertis haberi volumus, uberius continetur.

§. 8. Hinc est quod Nos, qui in supremo Iustitiæ solio à Domino constituti univrsarum Orbis Ecclesiarum gerimus curam, qui que tam illarum, quam Sedis Apostolicæ Jurium assertores sumus, ne in tam aperta eorum, & Apostolicæ auctoritatis oppugnatione, Pastoralis officio nostro quoquo modo deesse videamur, memoratorum Romanorum Pontificum Prædecessorum nostrorum vestigiis inherentes, in primis verò præarrata Monitoria cum omnibus, & singulis in eis contentis aprobant, ac confirmantes, & quatenus opus sit innovantes; Motu proprio, & ex certâ scientiâ, ac matura deliberatione nostris, deque Apostolicæ potestatis plenitudine Edictum, seu præceptum præsertim, & in eo enunciata, & contenta quæcumque cum omnibus, & singulis indè fecerit, & forsân quodcumque secutus penitus, & omninò nulla, irrita, invalida, erronea, damnata, reprobata, inania, & à non habentibus potestatem damnabiliter attentata, ac de facto præsumpta nulliusque roboris, & momenti, vel efficaciz fuisse, & esse, ac perpetuò fore, neminemque ad illorum observantiam teneri, imò nec à quoquam observari potuisse, vel debuisse, neque per illa ullum, vel minimum præjudicium juribus nostris, & dictæ Sedis, ac Ecclesiæ Asten. ejusque Episcopis, ac Romanis Pontificibus illatum fuisse, vel esse, aut inferri potuisse, nec ullo unquam tempore posse earumdem tenore præsentium decernimus, & declaramus. Et nihilominus pro majoris, & abundantiori earumdem Sedis, & Ecclesiæ Asten. cautela, & quatenus opus sit, illa omnia, & singula, motu, scientiâ, deliberatione, & potestatis plenitudine paribus harum serie damnamus, reprobamus, revocamus, cassamus, irritamus, annullamus, viribusque, & effectu penitus, & omninò vacuumus, ac pro damnatis, reprobatis, revocatis, cassatis, irritis nullis, invalidis, & abolitis viribusque & effectu penitus, & omninò vacuis perpetuò haberi volumus, & mandamus, itaut illis minimè obstantibus jura nostra, & Apostolicæ Sedis, dictæque Ecclesiæ Asten. semper omni tempore ramaneant, sint, & serventur, ac cenferi debeant sarta, tecta, integra, illata, & illibata in omnibus, & per omnia quemadmodum erant ante editionem præfati Edicti, seu præcepti, cæterorumque præmissorum, & perinde ac si illa nunquam emanassent, nec facta fuissent, neque unquam fierent, seu evenirent.

Cum Decreto irritanti e a sua sub-  
blata, & aliis  
amplissimis.

§. 9. Decernentes sic, & non aliter in præfatis omnibus, & singulis cenferi, ac per quoscumque Judices ordinarios, & delegatos etiam causarum Palatii Apostolici Auditores, ac nostram Cameram prædictam, ejusque Officiales quomodocumque nuncupatos, & ejusdem S. Romanæ Ecclesiæ Cardinales etiam de Latere Legatos, & quovis alios quacumque auctoritate fungentes, & functuros, sublatâ eis & eorum cuilibet quâvis aliter judicandi, & interpretandi facultate, & auctoritate judicari, & definiti, debere, & irritum, & inane, si secus super his à quoquam quâvis auctoritate scienter, vel ignoranter contigerit attentari. Non obstantibus Constitutionibus, & Ordinationibus Apostolicis etiam Conciliaribus, nec non legibus Imperialibus, & Municipalibus, & quatenus opus sit, nostrâ, & Cancellariæ Apostolicæ regulâ de jure quæsito non tollendo, ac piæ mem: Pii PP. IV. etiam Prædecessoris nostri Constitutione de gratis qualescumque interesse Cameræ Apostolicæ concernentibus in eadem Camerâ præsentandis, & registrandis, itaut præfentes literæ, etiam si in eadem Camera nullo unquam tempore præsententur, & registrentur, nihilominus valeant, plenamque roboris firmitatem obtineant; necnon

dictæ Ecclesiæ Asten. etiam juramento, confirmatione Apostolicâ, vel quâvis firmitate aliâ roboratis statutis, & consuetudinibus, privilegiis quoque, indultis, & literis Apostolicis eidem Ecclesiæ, illisque Praefuli, Capitulo, & quibusvis personis sub quibuscumque tenoribus, & formis, ac cum quibusvis etiam derogatoriis derogatoris, aliisque efficacioribus, efficacissimis, & insolitis clausulis, irritantibusque, & aliis Decretis in genere vel in specie, ac aliâs in contrarium præmissorum quomodolibet concessis, confirmatis, & innovatis.

§. 10. Quibus omnibus, & singulis eorum omnium, & singulorum tenores præsentibus pro plenè, & sufficienter expressis, & de verbo ad verbum insertis habentes, illis aliâs in suo robore permansuris, ad præmissorum effectum specialiter, & expressè derogamus, cæterisque contrariis quibuscumque.

§. 11. Cum autem eadem præfentes literæ in locis ditioni prædictæ Sæcularis potestatis subiectis nequeant tutè publicari, ut hæcenus experientiâ compertum est, & Nobis notoriè constat, volumus illas seu earum exemplis ad valvas Ecclesiæ Lateranensis, & Basilicæ Principis Apostolorum, nec non Cancellariæ Apostolicæ, Curiaque generalis in Monte Citatorio, ac in acie Campi Floræ de Urbe, ut moris est, affigi, & publicari, sicque publicatas, & affixas, omnes, & singulos, quos illæ concernunt perinde arctare, & afficere, ac si unicuique eorum nominatim, & personaliter intimatæ fuissent: Utque ipsarum literarum transumptis, seu exemplis etiam impressis manu alicujus Notarii publici subscriptis, & sigillo alicujus personæ in Ecclesiasticâ Dignitate constitutæ munitis, eadem prorsus fidès tam in Judicio, quam extra illud ubique adhibeatur, quæ eisdem præsentibus adhiberetur, si forent exhibitæ, vel ostensæ. Datum Romæ apud Sanctam Mariam Majorem sub annulo Piscatoris die xx. Octobris MDCCXVI. Pontificatus nostri Anno XVII.

Cardinalis F. Oliverius.

Anno à Nativitate D. N. Jesu Christi millesimo septingentesimo decimo septimo, die 23. mensis Octobris, Indictione decima, Pontificatus Sanctissimi in Christo Patris, & D. N. D. Clementis Divina Providentia Papæ XI. Anno decimo septimo, prædictæ Literæ Apostolicæ affixæ & publicatæ fuerunt ad valvas Ecclesiæ Lateranensis, & Basilicæ Principis Apostolorum, nec non Cancellariæ Apostolicæ, Curiaque Generalis in Monte Citatorio, ac in Acie Campi Floræ, aliisque locis solitis, & consuetis Urbis per me Josephum Batiale Apostolicum Curforem.

Sebastianus Vaselli Mag. Curl.

CONFIRMATIO

Constitutionum Academiæ Theologicæ de Urbe cum deputatione nonnullorum S. R. E. Cardinalium ejusdem Academiæ Protectorum, & quorundam Privilegiorum concessione.

CLEMENS PAPA XI.

Ad perpetuam rei memoriam.

INscrutabili divinæ bonitatis, atque sapientiæ providentiâ ad Ecclesiæ Catholicæ per univrsum terrarum Orbem diffusæ, regimen, meritis licet imparibus evecti, inter multiplices pastorales vigilantiz nostræ curas Sacrarum Literarum, ac præsertim Theologicæ Facultatis studia, per

Et consuetudine derogationibus.

Mandat præfentes literas affixas locis solitis Urbis omnes officios, ac si uni, cuique personaliter intimatæ fuissent, & fidem adhiberi tractumptis.

XCIV.

Exordium à Pontifici loci studii promovendi sacrarum ac præsertim Theologicæ Facultatis studia.

quæ



quæ depulsâ ignorantia caligine, mortalium mentes luce veritatis illustrantur, ad supernâ Deitatis essentiam veraciter contemplandam iter panditur, sana doctrina asseritur, Catholica fidei puritas ab hæresibus, pravique dogmatibus gladio spiritus vindicata enitescit, illiusque, & divini cultus propagationi, ac aliis Christianæ Reipublicæ commodis consulitur, ubique locorum, ac præcipuè in hac Alma Urbe nostra, ex qua doctrinæ, & bonorum operum exempla in reliquis Christiani Orbis partes assidue promanant, quantum Nobis ex alto conceditur promovere, excitare, & confovere studemus, sicut omnibus maturæ considerationis trutinâ perpensis, & Omnipotentis Dei gloriam, Ecclesiæque decus, & præsidium, ac Christianidelium utilitatem cognoscimus in Domino salubriter expedire.

§. 1. Cum itaque aliâ nempe ab ipsis Pontificatus Nostri primordiis, q̄ ædam Academia Theologica nuncupata, in qua plures in ea facultate versati, ac etiam Magistri, seu Doctores, aut aliâ graduati, ad pleniorē, & sublimiorē sacrarum, divinarumque rerum cognitionem aspirantes Sacræ Theologiæ, nec non historiæ Ecclesiasticæ disciplinæ præcipuum, sedulamque operam laudabiliter hæctenus navarunt, & adhuc indefessis studiis navare non desistunt, sub auspiciis nostris, ac Nobis annuentibus in Urbe præfata erecta, seu instituta sit, eique usum loci in ædibus publici Gymnasii Sapientiæ nuncupari ejusdem Urbis pro suis conventibus habendis, & functionibus peragendis sub certis modo, & formâ, tunc expressis assignaverimus, & concesserimus; & sicut plurimorum Virorum præstantium testimonio, imò etiam nonnullorum ex Venerabilibus Patribus Nostri Sanctæ Romanæ Ecclesiæ Cardinalibus, qui literariis ipsis Academiæ exercitationibus, & disceptationibus sæpius interfuerunt, relatione accepimus, dilecti Filii Academici eidem Academiæ adscripti notabiles in præfatis disciplinæ progressus jam fecerint, & in dies facere pergant, unde non obscura spes affulgeat, fore, ut dicta Academia, benedicente Domino, non solum majora in posterum suscipiat incrementa, verum etiam suavissimos, uberesque fructus in Ecclesiâ Dei quandoque proferat; in eumque finem prædicti Academici pro recto, ac felici Academiæ hujusmodi gubernio nonnullas Constitutiones, seu Statuta, quæ per bon. mem. Thomam Mariam, dum vixit, ejusdem Sanctæ Romanæ Ecclesiæ Cardinalem Ferrarium, Sancti Clementis nuncupatum, jussu nostro revisa, & subinde approbata fuerunt, jam pridem condiderint; quorum tenor est, qui sequitur, videlicet.

§. 2. Constitutiones Academiæ Theologiæ: *Academiæ Theologicæ solum illis patere volumus, qui Theologiæ saltem quadriennio sedulam operam navarunt.*

*Horum ingeniiis exercendis, perfectaque doctrina imbuendis, bis in hebdomada, scilicet feria tertia, & sexta, de sacris, divinisque rebus disputabitur. Alternis Theologica, alternis Historica disputatio erit: idemdem vero vel ad nostræ Religionis dogmata pertinentes controversiæ, vel ad Sacras Literas disceptabuntur.*

*Ab exercitationibus vacatio erit à Dominica Sexagesimæ, ad Dominicam Quadragesimæ: à die Palmarum ad diem Dominicam in Albis, & à xv. Kalen. Octobris ad xv. Kalen. Decembris.*

*Ex universa Theologia, atque Historia Ecclesiastica præcipue questiones à Censoribus selectæ triennii disputationibus absolventur. Eorundem judicio, quæ in contrarias partes disputari possunt, quæve in alteram tantum decernentur. Ordo in Theologicis ad Summam Divi Thomæ: In Historicis ad seriem temporum accommodabitur.*

*In quocunque Conventu, Academicus cui id fuerit injunctum, primum ea, qua in questione versantur, breviter, ac luculenter explicabit. Tum duo cum eo solidam horam disceptando decertabunt; ille eorum argumenta, & conquisitas rationes acute refellet, & consutabit.*

*Quilibet Academicus exacto anno solemnem disputationem habebit: sex horas, tres ante, tres post meridiem disputabit.*

*Omnes Academicorum munia triennio saltem obibunt, & labores, qua disputando, qua in solemnibus disputationibus accuratè disceptando sustinebunt. Completo triennio, proximum à Censoribus locum, ac sedem honoris ergo habebunt. De omnibus, quæ ab Academicis consciscuntur, suffragium ferent.*

*Quicunque sex annos Academici munia obierit, & labores subierit, inter Censores referendus.*

*De controversiis disceptandis Censoris judicium erit. Unus minus solemnibus, tres solemnibus disputationibus præsidebunt. Quid de illis sentiat, judicabunt: Suffragia occulta erunt: soli Academico à secretis nota, ut possit, cum fuerit opportunum, doctrinæ cujusque testimonium perhibere.*

*Academicus à secretis, qui & Censor erit, cunctis solemnibus disputationibus unâ cum duobus aliis Censoribus præerit. Non solemnibus, tunc cum Censorem non adesse contigerit. Diem, solemnibus disputationibus statuet. Eum pro iis habendis designabit, quem integrum annum in Academia exegisse constabit; annum autem non dierum, sed laborum cursu metimur; Certiores faciet Censores de questionibus, quarum disceptationibus debent præsidere: Eas Academicis omnibus, adjecto die ad disputandum destinato, scriptas tradet: controversias disceptandas quolibet mense in tabella descriptas exponet; Scriptoresque, qui de illis uberius, & luculentius disserunt, indicabit. Acta omnium, quæ geruntur, conficiet: Academicorum nomina in albo describet & tempus, quo adscripti fuerint, adnotabit. Academicorum doctrinam, labores, Censorum judicio probatas disputationes publicis literis pro cujusque meritis testabitur.*

§. 3. Ac proinde, sicut memorati Academici, exponi Nobis nuper fecerunt, ipsi non minus ejusdem Academiæ erectionem, seu institutionem, perpetuæque usus loci, ei, sicut præmittitur, assignati, concessionem, quàm Constitutiones, & Statuta præinserta, quo firmiter subsistant, Apostolicæ confirmationis nostræ patrocinio communiri, & aliâ desuper paternæ providentiæ nostræ partes interponi plurimum desiderant; Nobis propterea humiliter supplicari fecerunt; ut in præmissis opportunè providere, & ut infra indulgere de benignitate Apostolica dignemur. Nos igitur, qui Academiæ prædictæ prosperum statum, & directionem, uberioraque incrementa sinceris exoptamus affectibus, eorundem Exponentium votis, hac in re, quantum cum Domino possumus, benignè annuere, eosque specialibus favoribus, & gratiis prosequi volentes, ac eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine, quâvis occasione, vel causâ latis, si quibus quomodolibet innodatae existunt, ad effectum præsentium dumtaxat consequendum, harum serie absolventes, & absolutos fore censentes, hujusmodi supplicationibus inclinati erectionem, & institutionem Academiæ supradictæ, perpetuæque usus loci ei in ædibus dicti Gymnasii, ut præfertur, assignati, concessionem præfatas, nec non Constitutiones, & Statuta præinserta cum omnibus, & singulis in eis contentis, & expressis, autoritate Apostolicâ tenore præsentium, sine tamen Universitatis studii generalis ejusdem

Pontifex Academiæ erectionem, locum ei assignatum in ædibus d. Gymnasii, & Constitutiones præfatas amplissimè confirmat si sine tamen crujusquam præjudicio.

Academia Theologica instituta in Urbe fuit sub auspiciis Sanctitatis suæ.

Quæ illi locum in publico Gymnasio Sapientiæ ac signavit.

Academici Constitutiones, seu statuta condiderunt, quæ mandante Sanctitate Sua à Card. Ferrario revisa, & approbata fuerunt.

Tenor eorundem Constitutionum.



ANNO  
1718.Pontifex A-  
cademiæ e-  
lectionem, lo-  
cum ei af-  
signatum  
in ædi-  
bus d. Gym-  
nasii, & Con-  
stitutiones  
præfatas am-  
pliffimè con-  
firmat sine  
tamen cuiuf-  
quam præju-  
dicio.Lectores Sa-  
cræ Theolo-  
giæ in Gym-  
nasio consti-  
tuuntur Cen-  
sores in Aca-  
demiæ.Academicis  
prælatio con-  
ceditur, cæte-  
ris paribus in  
Beneficiis Ec-  
clesiasticis,  
præferuntur cu-  
ratis.Academici  
Regulares pec-  
uliari privi-  
legio deco-  
rantur.

Urbis, ac cuiusquam alterius præiudicio approbamus, & confirmamus, illisque perpetuæ, & inviolabilis Apostolicæ firmitatis robur, & præsidium adijcimus, ac quoscunque juris, & facti defectus, si qui in præmissis quomodolibet intervenerint, ampliffimè supplemus; & nihilominus dictam Academiam Theologicam, quatenus opus sit, autoritate, & tenore similibus itidem perpetuò erigimus, & instituimus, eique perpetuum usum loci præfati denuò concedimus, & assignamus.

§. 4. Porro, ne unquam in eadem Academia perpetuis futuris temporibus Censores, qui Academicorum disputationibus præsent, aliasque eis per Constitutiones, & Statuta præinserta demandatas functiones obire valeant, desiderari contingat, volumus, & eadem autoritate decernimus, ut præter & ultra eos in ejusmodi Statutis & Constitutionibus designatos, omnes, & singuli Sacræ Theologiæ in eodem Gymnasio Lectores, nunc & pro tempore existentes, qui Collegium Theologorum inibi constituunt, officium Censorum in dictâ Academia pariter obtineant: præterea, ut Academici nunc, & pro tempore similiter existentes mercedis laborum suorum aliquando recipiendæ spe excitati, memoratis disciplinis eò impensius solertiisque incumbant, eisdem Academicos, qui cuncta Academia munia sedulo, ac laudabiliter adimpleverint, in dignitatibus, personatibus, canonicatibus, & præbendis, aliisque beneficiis Ecclesiasticis, ac iis præsertim, quibus cura imminet animatum, per collationem, vel electionem, in cuiusque ipsorum patriis, respectivè providendis, aliis omnibus, cæteris paribus, tam in Romanâ Curia quam extra eam præferri volumus, & mandamus; seridè idcirco requirentes, & momentaneos Venerabiles Fratres Patriarchas, Archiepiscopos, & Episcopos, nec non dilectos Filios Nostros, & Apostolicæ Sedis Nuncios, cæteroque Prælatos, seu locorum Ordinarios, ac quoscunque beneficiorum ejusmodi Collatores, & Collatrices, ut Academicos præfatos quorum multi Exteri, & ex diversis nationibus existunt, cum eos in suas Regiones reverti contigerit, si sese supra dictâ Academia adscriptos, in eaque eum cum laude versatos fuisse legitimis probationibus, atque in primis literis testimonialibus manu Secretarii ejusdem Academiae subscriptis, eisque sigillo munitis docuerint, in collatione eorundem beneficiorum, quatenus ipsi reditibus ad congruam sui sustentationem sufficientibus caruerint, aliis omnibus, cæteris paribus, similiter præferant; Quia verò etiam nonnulli Regulares prædictæ Academiae adscripti plurimum ei adjumenti, atque splendoris huc usque attulerunt, & ut in Domino confidimus, deinceps quoque jallaturi sunt, idcirco eos itidem peculiari favore gratiæ prosequi cupientes, earundem tenore præsentium decernimus, ut postquam iidem Regulares Academiae præfate adscripti, & in futurum abscribendi de Superiorum suorum consensu omnes Academicorum partes per sexennium rectè, ac diligenter expleverint, id eis, & eorum cuilibet suffragari debeat in omnibus, & per omnia, perinde ac si Sacram Theologiam in suis respectivè Monasteriis, Conventibus, seu Domibus regularibus per triennium actu legisent, ita tamen, ut duo dumtaxat, & non plures Regulares hujusmodi ex unoquoque Monasterio, Conventu, seu Domo regulari de Urbe præfata, ubi studia vigeant, & actu Sacra Theologia legatur, à suis respectivè Superioribus deputentur, ad hoc, ut Academiae hujusmodi adscribi, & in ea cuncta Academicorum munera exercere valeant; iis autem transacto sexennio,

alii duo, & non plures subrogentur, sicque de sexennio, in sexennium servari debeat.

§. 5. Demum, ut ejusdem Academiae conservationi, bonoque regimini, nec non Academicorum commodis, & utilitatibus uberius consultum sit, promptumque, & paratum eis suppetat præsidium, dilectos Filios Nostros Joannem Baptistam Sancti Casarei Spinulam, Joannem Dominicum Sanctæ Anastasiæ Parraccianum, Carolum Augustinum Sancti Augustini Fabronum, Joannem Baptistam Sancti Stephani in Monte Caelio Ptolomeum Titulorum Presbyteros, nec non Annibalem Sanctæ Mariæ in Coimedin Diaconum Albanum nuncupatos, Nostros secundum carnem ex germano Fratre Nepotem prædictæ Sanctæ Romanæ Ecclesiæ Cardinales memoratæ Academiae Protectores, & Defensores constitutum, & deputamus, quorum consilio, ope, ac patrocinio tam supra dicta, quam quæcumque alia ad Constitutionum, & Statutorum præfatorum observantiam, Academicorum admissionem, & expulsionem, Secretarii, & Censorum deputationem, & amotionem spectantia ac generaliter omnia, & singula, quæ ad salubrem Academiae directionem, illiusque progressum, decus, & ornamentum tendere, & conducere videbuntur, agantur, statuuntur, & ordinentur. Mos enim eisdem, ac pro tempore existentibus Protectoribus per Nos, & Sedem Apostolicam pariter deputandis, plenam, liberam, & amplam ad præmissa facultatem, & auctoritatem harum ferie tribuimus, & impartimur.

§. 6. Decernentes ipsas præsentis literas, ac omnia, & singula præmissa firma, valida, & efficaciâ existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, pleniffimè suffragari, & ab eis respectivè inviolabiliter observari. Sicque in eisdem præmissis per quoscunque Judices Ordinarios, & Delegatos, etiam causarum Palatii Apostolici Auditores judicari, & definiti debere, ac irritum, & inane si secus super his à quoquam quavis auctoritate, scienter, vel ignoranter contigerit attentari. Non obstantibus Constitutionibus, & Ordinationibus Apostolicis, nec non, quatenus opus sit, Urbis, & Gymnasii præfatorum ac quorumcumque Ordinum Regularium etiam juramento, confirmatione Apostolicâ, vel quavis firmitate aliâ roboratis statutis, & consuetudinibus, Privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis; quibus omnibus, & singulis illorum tenores præsentibus pro plenè, & sufficienter expressis, ac de verbo ad verbum insertis habentes, illis aliis in suo robore permanfuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque. Datum Romæ apud Sanctam Mariam Majorem sub Annulo Piscatoris die xxiii. Aprilis MDCCXVIII., Pontificatus Nostri Anno XVIII.

F. Card. Oliverius.

ANNO  
1718.Quinque  
S. R. E. Car-  
dinales Prote-  
ctores, & De-  
fensores Aca-  
demiæ depu-  
tantur.Quibus plu-  
res faculta-  
tes concedun-  
tur.Cum decreto  
irritanti, &  
clausulis con-  
suetis.